

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO UNUTRAŠNJIH POSLOVA
MINISTARSTVO UNUTARNJIH POSLOVA
UPRAVA POLICIJE
POLICIJSKA UPRAVA II
POLICIJSKA STANICA KAKANJ



INFORMACIJA

o stanju sigurnosti na području Policijske stanice Kakanj za 2021.godinu

SADRŽAJ

UVODNE NAPOMENE.....	3
● OPĆI PODACI.....	4
● BEZBJEDNOSNA SITUACIJA TOKOM 2021. GODINE.....	5
● KRIMINALITET.....	5
- Tabela stanja kriminaliteta tokom 2021. godine sa uporednim podacima za posljednjih pet godina	5
- Dijagram krivičnih djela za period 2017-2021 godina.....	6
- Dijagram ukupne otkrivenosti i naknadna rasvjetljenost krivičnih djela za period 2017-2021 godina.....	6
- Dijagram kriminaliteta za period 2017-2021 godina.....	7
- Stanje kriminaliteta u 2021. godini po policijskim stanicama/upravama.....	7
● STRUKTURA KRIVIČNIH DJELA.....	8
● JAVNI RED I MIR.....	9
- Tabela strukture prekršaja po javnom redu i miru za period 2017-2021. godina.....	9
- Dijagram prekršaja javnog reda i mira za period 2017-2021 godina.....	10
- Dijagram prekršaja u 2021. godini po policijskim stanicama.....	10
● AKTIVNOSTI PO PITANJU MIGRANATA	11
● BEZBJEDNOST SAOBRAĆAJA.....	11
- Tabelrni prikaz stanja u oblasti saobraćaja u 2021. godini sa uporednim podacima za period 2017-2021 godina.....	12
- Dijagram broja saobraćajnih nezgoda po godinama za period 2017-2021 godina.....	12
- Dijagram saobraćajnih nezgoda sa stradalim licima za period 2017-2021 godina.....	13
- Dijagram o broju izdatih prekršajnih naloga za period 2017-2021 godina.....	13
- Dijagram broja saobraćajnih nezgoda po policijskim stanicama za 2021. godinu.....	14
● RAD POLICIJE U ZAJEDNICI.....	14
● MJERE KOJE ĆE POLICIJSKA STANICA KAKANJ PODUZIMATI U NAREDNOM PERIODU U CILJU POBOLJŠANJA STANJA SIGURNOSTI.....	16
● MJERE U OBLASTI KRIMINALITETA.....	16
● MJERE U OBLASTI JAVNOG REDA I MIRA.....	17
● MJERE U OBLASTI BEZBJEDNOSTI SAOBRAĆAJA.....	17
● ZAKLJUČAK.....	18

UVODNE NAPOMENE

Informacija o stanju sigurnosti na području općine Kakanj za 2021. godinu se bazira na statističkim pokazateljima i sveukupnim aktivnostima policijskih službenika.

Prilikom izvršavanja poslova i zadataka koji su u nadležnosti policije naročita pažnja je posvećena zakonitom radu, primjeni policijskih ovlaštenja, profesionalnom odnosu policije prema građanima, uz poštivanje domaćih i međunarodnih standarda i propisa o ljudskim pravima.

Policijska stanica Kakanj je u okvirima utvrđenim zakonom i drugim propisima, izvršavala poslove i zadatke iz svoje nadležnosti, a naročito poslove i zadatke na zaštiti lične i imovinske sigurnosti građana, održavanju javnog reda i mira, sprečavanju i otkrivanju krivičnih djela, njihovom rasvjetljavanju, te kontroli i regulisanju saobraćaja.

Rad Policijske stanice Kakanj se odvijao u skladu sa ovlaštenjima propisanim zakonima i podzakonskim aktima iz djelokruga nadležnosti policije (Zakonom o unutrašnjim poslovima ZDK-a, Zakonom o policijskim službenicima ZDK-a, Zakonom o javnom redu i miru ZDK-a, Zakonom o osnovama bezbjednosti saobraćaja na putevima u BiH, Zakonom o prekršajima FBiH, Zakonom o krivičnom postupku BiH i FBiH, Krivičnom zakonu BiH i FBiH, Zakonom o nabavljanju, držanju i nošenju oružja i municije ZDK-a, te Pravilnikom o unutrašnjoj organizaciji i sistematizaciji MUP-a Zeničko-dobojskog kantona, Pravilnikom o upotrebi sile i drugim zakonskim i podzakonskim aktima).

Cjelokupna aktivnost Policijske stanice Kakanj se odvijala u koordinaciji i saradnji sa drugim nadležnim institucijama i organima, prije svega sa ostalim organizacionim jedinicama Ministarstva unutrašnjih poslova Zeničko-dobojskog kantona, Federalnom upravom policije, Kantonalnim tužilaštvom Zeničko-dobojskog kantona, Općinskim sudom u Kaknju, Kantonalnim sudom u Zenici, inspeksijskim organima federalnog, kantonalnog i općinskog nivoa, centrima za socijalni rad i drugim organima i institucijama.

OPĆI PODACI

U uvodnom dijelu informacije o stanju sigurnosti na području općine Kakanj potrebno je navesti niz geografskih, socijalnih, ekonomskih i drugih faktora koji na direktan ili indirektan način utiču na stanje sigurnosti.

Općina Kakanj se nalazi između dva velika gradska centra i to između Sarajeva i Zenice, a direktno graniči sa općinama Vareš, Busovača, i gradovima Visoko, Zenica i Zavidovići. Prostire se na površini od 472 km². Prema posljednjem popisu stanovništva na području općine Kakanj živi 38 937 osoba i stanovništvo je mješovitog nacionalnog sastava.

Općina Kakanj važi i ubraja se među privredno razvijenije općine u našoj državi i na njenom području se nalazi veliki broj privrednih, industrijskih, komunikacijskih, infrastrukturnih i drugih važnijih objekata. Općinom Kakanj se prostiru i povezuju je sa drugim općinama željeznička pruga, autoput, kraći dio magistralnog puta, regionalni putevi i veliki broj lokalnih puteva.

Na području općine egzistira **šest** osnovnih škola u kojima je upisano 2383 učenika i **tri** srednje škole koje pohađa ukupno **1205** učenika.

Uže gradsko područje karakteriše veliki broj ugostiteljskih objekata, trgovačkih radnji, banaka, sportskih kladionica i lutrija, te drugih zanatskih radnji. Područje općine Kakanj je bogato prirodnim resursima, gdje je potrebno istaknuti šumu i rudno bogatstvo (ugalj). Također je neophodno navesti veliki broj vjerskih objekata među kojima se izdvajaju i imaju posebnu historijsku i kulturnu vrijednost Franjevački samostan i džamija u Kraljevoj Sutjesci.

Policijska stanica Kakanj je radila na poslovima i zadacima koji se odnose na zaštitu života ljudi i imovine, na sprečavanju činjenja krivičnih djela i otkrivanju počinitelja, održavanju javnog reda i mira, poslovima na kontroli i regulisanju saobraćaja na putevima, te upravnim poslovima i zadacima.

Također je vršena zaštita određenih lica i objekata, kontrola prometa eksplozivnih materija, zapaljivih tečnosti i gasova, itd, a rezultati rada su dati u dijelu "*Bezbjednosna situacija tokom 2021. godine*".

BEZBJEDONOSNA SITUACIJA TOKOM 2021. GODINE

Bezbjedonosna situacija tokom 2021. godine se odnosi na analizu stanja kriminaliteta, stanja javnog reda i mira, bezbjednosti saobraćaja sa uporednim podacima za predhodne četiri godine, kao i kroz analizu ostalih parametara datih u ovoj Informaciji. U određenim segmentima bezbjedonosna situacija na području općine Kakanj se posmatra i kroz upoređivanje pomenutog stanja kriminaliteta, javnog reda i mira i bezbjednosti saobraćaja u drugim općinama Ze-do kantona.

KRIMINALITET

U 2021. godini Policijskoj stanici Kakanj je prijavljeno **247** krivičnih djela, od čega je **128** krivičnih djela po poznatom izvršiocu, dok je preostalih **119** krivičnih djela po nepoznatom izvršiocu. Preduzetim mjerama i radnjama policijskih službenika PS Kakanj od **119** krivičnih djela po nepoznatom izvršiocu, **79** krivičnih djela je rasvijetljeno i identifikovani su izvršiocu. Procentualno predstavljeno procenat otkrivenosti prijavljenih krivičnih djela po nepoznatom izvršiocu je **66,38 %**, dok je ukupan procenat otkrivenosti **83,80 %**.


Za prijavljena krivična djela Policijska stanica Kakanj je nadležnim tužilaštvima (Kantonarno tužilaštvo Zeničko-dobojskog kantona i Tužilaštvo Bosne i Hercegovine) podnijela **232** izvještaja. Zbog postojanja osnova sumnje da su počinili krivična djela, propisana zakonima, prijavljena su **233** lica od čega je **116** povratnika u vršenju krivičnih djela, dok nije bilo prijavljenih maloljetnih počinioca krivičnih djela.

Tabela stanja kriminaliteta tokom 2021. godine sa uporednim podacima za posljednjih pet godina


(tabelarni prikaz) - tabela 1

PERIOD	2021.	2020.	2019.	2018.	2017.
Ukupno krivičnih djela	247	263	206	207	212
Podneseno izvještaja	232	252	190	190	207
KD po poznatom (izraženo u %)	128 (51,82 %)	151 (57,42%)	96 (46,60%)	84 (40,57 %)	71 (33,50 %)
KD po nepoznatom (izraženo u %)	119 (48,18%)	112 (42,58 %)	110 (53,40%)	123 (59,43 %)	141 (66,50%)
Naknadno rasvijetljeno KD po nepoznatom (izraženo u %)	79 (66,38%)	70 (62,5 %)	68 (61,81%)	75 (60,97 %)	79 (56 %)
Ukupna otkrivenost (izraženo u %)	207 (83,80%)	221 (84 %)	164 (79,61%)	159 (76,81 %)	150 (70,75 %)
Ukupno prijavljeno lica	233	252	195	194	176
Prijavljeno maloljetnika	-	25	35	11	12
Prijavljeno povratnika	116	132	76	85	79


Dijagram krivičnih djela za period 2017 - 2021 godina.



Dijagram ukupne otkrivenosti krivičnih djela, naknadno rasvjetljenih krivičnih djela i naknadna rasvjetljenost krivičnih djela za period 2017- 2021 godina.




- Dijagram kriminaliteta za period 2017-2021 godinu.



Iz dijagrama je vidljivo kretanje broja krivičnih djela u 2021. godini u odnosu na prethodne četiri godine.

Konkretizujući aktivnosti, službenici PS Kakanj su radeći po kriminalitetu u 2021. godini saslušali i ispitali **1058** osoba, izvršili **23** pretresa stana, objekata i drugih prostora, oduzeto je **273** predmeta koji potiču iz krivičnih djela, predmeta kojima je krivično djelo izvršeno, odnosno koji se mogu koristiti kao dokaz u krivičnom postupku. Izvršeno je **228** uviđaja prilikom kojih je pronađeno i fiksirano **935** tragova.

Stanje kriminaliteta u 2021. godini po policijskim stanicama/upravama.



STRUKTURA KRIVIČNIH DJELA

Struktura krivičnih djela, po skupinama krivičnih djela prema Krivičnom zakonu BiH, skupinama krivičnih djela prema Krivičnom zakonu FBiH, te prema drugim posebnim zakonima, prezentirana je tabelarno i tekstualno.

Red. br.	Naziv krivičnog djela po KZFBiH	Januar-decembar 2021.godine	
		Ukupno krivičnih djela	Rasvjetljenost krivičnih djela
	Krivična djela protiv života i tijela	12	100%
1.	- Teška tjelesna ozljeda	7	100%
	- Lahka tjelesna ozljeda	4	100%
	- Napuštanje nemoćne osobe	1	100%
	Krivična djela protiv slobode i prava čovjeka i građanina	11	90,91%
2.	- Ugrožavanje sigurnosti	10	90%
	- Narušavanje nepovredivosti doma	1	100%
	Krivična djela protiv dostojanstva ličnosti i morala	2	100%
3.	- Bludne radnje	2	100%
	Krivična djela protiv braka, porodice i mladeži	23	100%
4.	- Povreda porodičnih obaveza	1	100%
	- Nasilje u porodici	22	100%
	Krivična djela protiv zdravlja ljudi	67	100%
5.	- Neovlaštena proizvodnja i stavljanje u promet opojnih droga	66	100%
	- Posjedovanje i omogućavanje uživanja opojnih droga	1	100%
	Krivična djela protiv imovine	108	67,59%
6.	- Krađa	43	69,76%
	- Teška krađa	36	44,44%
	- Razbojništvo	6	66,66%
	- Utaja	2	100%
	- Oštećenje tuđe stvari	15	53,33%
	- Prijevarena	2	100%
	- Prikriivanje	4	100%
	Krivična djela protiv okoliša, poljoprivrede i prirodnih dobara	3	100%
7.	- Šumska krađa	1	100%
	- Izazivanje šumskog požara	1	100%
	- Mučenje i ubijanje životinje	1	100%
	Krivična djela protiv opće sigurnosti ljudi i imovine	4	0%
8.	- Izazivanje opće opasnosti	3	0%
	- Uništenje ili oštećenje važnih privrednih objekata ili javnih naparava	1	0%

Informacija o stanju sigurnosti na području Policijske stanice Kakanj za 2021. godinu

9.	Krivična djela protiv sigurnosti javnog prometa	3	100%
	-Teška krivična djela protiv sigurnosti javnog prometa	3	100%
10.	Krivična djela protiv javnog reda i pravnog prometa	13	100%
	- Sprječavanje službene osobe u vršenju službene radnje	1	100%
	- Napad na službenu osobu u vršenjenju poslova sigurnosti	2	100%
	- Nasilničko ponašanje	3	100%
	- Nedozvoljeno držanje oružja ili eksplozivnih materija	5	100%
	- Krivotvorenje isprave	2	100%
11.	Krivična djela iz drugih posebnih zakona (Zakon o nabavljanju držanju i nošenju oružja i municije ZDK)	1	100%

JAVNI RED I MIR

U cilju obezbjeđivanja povoljne bezbjedonosne situacije na području općine Kakanj službenici PS radili su na poslovima propisanim Zakonom o javnom redu i miru Ze-do kantona. Policijska stanica Kakanj podnijela je ukupno **114** zahtjeva za pokretanje prekršajnog postupka i izdala **166** prekršajnih naloga za **280** prekršaja narušavanja JRM-a. Od toga JRiM je narušen na ulicama i drugim otvorenim prostorima u **236** slučajeva, u ugostiteljskim objektima u **9** slučajeva, u trgovinskoj/zanatskoj radnji u **1** slučaju, a na sportskom stadionu/dvorani u **20** slučajeva i na ostalim mjestima u **14** slučajeva.

-Struktura prekršaja po javnom redu i miru period 2017 - 2021 godina. (tabelarni prikaz)- tabela 4

	PERIOD	2021	2020.	2019.	2018.	2017.
1.	Ukupan broj prekršaja (2+3)	280	254	169	210	218
2.	Prekršaji po Zakonu o JRM-u	275	241	164	196	204
a).	Svađa, vika, galama, nepristojno ponašanje	31	23	21	32	32
b).	Tuča, fizički napad	40	55	48	48	58
c).	Naročito drsko ponašanje	70	59	51	44	55
d).	Odbij.naređ.i omalovažavanje ovlaštenih	68	41	13	17	8
e).	Uživanje opojne droge na javnom mjestu	9	10	3	-	-
f).	Neovlaštena upotreba oružja	1	1	-	2	-
g).	Paljenje petardi	2	1	-	2	2
h).	Prosjačenje	25	5	9	25	19
i).	Ostali prekršaji prema Zakonu o javnom redu i miru	29	46	19	26	30
3.	Prekršaji prema Općinskoj odluci o JRM-u	5	13	5	14	14
4.	Broj izdatih prekršajnih naloga	166	111	71	78	50
5.	Broj podnesenih zahtjeva za pokretanje prekršajnog postupka	114	143	98	132	168


Informacija o stanju sigurnosti na području Policijske stanice Kakanj za 2021. godinu

Analizom strukture počinjenih prekršaja u 2021. godini sa uporednim podacima iz 2020., 2019., 2018. i 2017. godine, može se zaključiti da su najčešći oblici narušavanja JRM naročito drsko ponašanje, tuča, fizički napad, odbijanje naređenja i omalovažavanje policijskih službenika, svađa, vika, galama, nepristojno ponašanje te prosjačenje.

-Dijagram prekršaja javnog reda i mira za period 2017 - 2021 godina.



-Dijagram broja prekršaja u 2021. godini po policijskim stanicama.



U 2021. godini na području općine Kakanj, registrovano je ukupno **1769** osoba zaraženih koronavirusom. U skladu sa mjerama i preporukama Federalnog i Kantonalnog štaba civilne zaštite naložena je mjera izolacije za sve zaražene osobe kao i osobe koje su bile u kontaktu sa zaraženom osobom, gdje je od strane policijskih službenika izvršeno **9514** kontrola lica u samoizolaciji.

Policijski službenici PS Kakanj izdali su **42** prekršajna naloga u vrijeme trajanja mjere zabrane kretanja svih građana u periodu od 21,00 do 05,00 sati.

AKTIVNOSTI PO PITANJU MIGRANATA

Tokom 2021. godine Policijska stanica Kakanj je poduzimala potrebne mjere i radnje na kontroli kretanja migranata na području općine Kakanj. S tim u vezi postupano je u skladu sa zakonskim propisima i instrukcijama MUP-a Zeničko-dobojskog kantona u cilju utvrđivanja identiteta, provjere njihovog statusa, obavještanja Odjela za strance - Terenski ured Zenica, te prevoza migranata u migrantske centre. Zahvaljujući mjerama i radnjama policijskih službenika na području općine Kakanj nisu evidentirani značajniji slučajevi narušavanja stanja sigurnosti u kojima su učestvovali migranti.

BEZBJEDNOST SAOBRAĆAJA

U 2021. godini policijski službenici PS Kakanj su ukupno kontrolisali **10 326** vozila i **16 284** lica u vozilima. Izdata su **4443** prekršajna naloga od strane saobraćajnih patrola, **2823** prekršajna naloga za prekršaje registrovane mobilnim radarom "Trucam" i **28** zahtjeva za pokretanje prekršajnog postupka. Prilikom preduzimanja mjera i radnji iz oblasti bezbjednosti saobraćaja posebna pažnja je posvećena uočavanju i sankcionisanju težih prekršaja koji su najčešće uzrok saobraćajnih nezgoda. Zbog vožnje pod dejstvom alkohola sankcionisano je **352 vozača, bez položenog vozačkog ispita 122 vozača, bez važeće registracije vozila 66 vozača, zbog upravljanja tehnički neispravnim vozilom 59 vozača.**

U izvještajnom periodu na području PS Kakanj evidentirano je ukupno **263** saobraćajne nezgode, od kojih na autoputu A1 **59**, magistralnom putu **3**, regionalnim putevima **54**, lokalnim putevima **49**, ulicama **92** i ostalim mjestima **6** saobraćajnih nezgoda.

Najčešći uzrok navedenih saobraćajnih nezgoda je neprilagođenost brzine vožnje uslovima i stanju puta i vožnja pod utjecajem alkohola. U izvještajnom periodu dogodilo se **217** saobraćajnih nezgoda sa materijalnom štetom koja je uglavnom manja ili neznatna i **46** saobraćajnih nezgoda sa povrijeđenim licima. **U navedenim nezgodama 1 lice je smrtno stradalo, 4 lica su zadobila teške tjelesne povrede i 41 lice je zadobilo lakše tjelesne povrede.**


Uz represivne mjere policijski službenici su tokom cijele godine kontinuirano preduzimali niz preventivnih mjera, a sve s ciljem obezbjeđenja adekvatnog nivoa sigurnosti svih učesnika u saobraćaju, a posebno djece, starih lica, pješaka, kao najranjivijih kategorija u saobraćaju.

Tabelarni prikaz stanja u oblasti saobraćaja u 2021. godini sa uporednim podacima za period 2017-2021 godina.


(tabelarni prikaz) - tabela 6

PERIOD		2021.	2020.	2019.	2018	2017.
Ukupan broj saobraćajnih nezgoda		263	227	214	381	370
Broj poginulih lica		1	3	3	-	2
Povrijeđenih lica	Teže	4	9	6	8	10
	Lakše	41	45	40	43	28
Broj kontrolisanih vozila		10326	6468	10083	12071	10834
Broj kontrolisanih lica		16284	3742	4935	7480	6826
Broj KD iz bezbjednosti saobraćaja		3	6	5	5	11
Broj zahtjeva za pokretanje PP-a		28	63	49	28	30
Broj izdatih prekršajnih naloga		4443	3203	4411	6916	6859
Broj izdatih prekršajnih naloga po mobilnom radaru		2823	2648	3750	4522	4612
Isključeno vozila zbog teh. neispravnosti		59	51	52	77	89
Zatečeno vozača pod dejstvom alkohola		352	301	443	556	499
zatečeno vozača pod uticajem opojnih droga		-	-	2	-	-
Zatečeno vozača bez pol. voz. ispita		122	103	90	121	155
Zetečeno vozila bez važeće registracije		66	68	84	108	163

- Dijagram saobraćajnih nezgoda po godinama za period 2017-2021 godina.



-Dijagram saobraćajnih nezgoda sa stradalim licima za priod 2017-2021 godina.




U prethodnom dijagramu se vidi kretanje broja teže povrijeđenih i broja smrtno stradalih lica u saobraćajnim nezgodama od 2017. do 2021. godine.

- Dijagram o broju izdatih prekršajnih naloga za period 2017-2021 godina.



- Dijagram broja saobraćajnih nezgoda po policijskim stanicama za 2021. godinu.



RAD POLICIJE U ZAJEDNICI

U 2021. godini ova PS je implementirala projekat "Rad policije u zajednici" kojom prilikom su realizovane sljedeće aktivnosti:

- Preventivne kampanje i suradnja sa institucijama općine Kakanj, nastavničkim osobljem, vladinim i nevladinim organizacijama i dr. predstavnicima lokalne zajednice na teme: "Zaštitite se od eksploatacije-trgovine ljudima", "Koristimo dostupne mehanizme kako bismo se zaštitili od nasilja i diskriminacije", "Prevenција maloljetničke delinkvencije", "Nasilje nad ženama i zaštita žrtava nasilja", "Mentalno zdravlje i adolescencija", "Prevenција ovisnosti", "Zanemarivanje i podizanje svijesti o zanemarivanju djece", "Prevenција u otklanjanju negativnih oblika ponašanja u društvu", "Prevenција nasilja u digitalnom okruženju" "Buka iz ugostiteljskih objekata", "Problem pasa lualica", "Problem prosjačenja", "Prevenција provala u stanove", "Sigurnost djece u saobraćaju", "Prevenција vršnjačkog nasilja", "Zanimanje policajac", "Odgovorno roditeljstvo" i druga problematika koja je interesantna za bezbjednost građana, mladih, djece predškolskog i školskog uzrasta.
- U sklopu projekta RPZ aktivno smo radili na rješavanju bezbjedonosnih problema u lokalnoj zajednici (problemi imovinsko pravne prirode, stvaranje buke i nanošenje štete prilikom igranja djece, nepoštivanje kućnog reda od strane određenog broja stanara, porodični problemi i dr.), zbog kojih su narušeni međukomšijski i porodični odnosi, koji mogu eskalirati, te narušiti bezbjedonosnu situaciju. Redovno su se obavljali razgovori sa predsjednicima mjesnih zajednica i sa građanima, prikupljale relevantne informacije o eventualnim problemima građana te se poduzimaju mjere i

Informacija o stanju sigurnosti na području Policijske stanice Kakanj za 2021. godinu

radnje na njihovom rješavanju, a sve u cilju poboljšanja sigurnosti i povjerenja između policije i građana.

- U sklopu projekata "Policajac u školi" i "Prevenција na suzbijanju neprimjerenog i asocijalnog ponašanja među mladima" RPZ policajci i drugi policijski službenici vršili su redovne obilaske prostora oko školskih objekata, uspostavljali kontakte sa nastavnim i rukovodnim osobljem osnovnih i srednjih škola, učeničkom populacijom i roditeljima s ciljem razmjene informacija, prepoznavanja, identifikacije i rješavanja bezbjedonosnih problema, koji opterećuju sigurnost u i oko školskih objekata, kao i na putu od kuće do škole. Održavana su predavanja/radionice o bezbjednosti saobraćaja, vršnjačkog nasilja, zloupotrebe opojnih sredstava, internet kriminalu, maloljetničkoj delikvenciji i drugim temama koje su adekvatne prema potrebi.
- Policijski službenici tokom 2021.godine svakodnevno su se nalazili na ključnim raskrscima u blizini škola za vrijeme dolaska/odlaska učenika u prvu i drugu smjenu s ciljem preventivnog djelovanja na učesnike u saobraćaju.
- U saradnji sa NVO PH International nastavljena je realizacija projekata "Socijalizacija s pravom", te su sa učenicima sedmih, osmih i devetih razreda u dvije osnovne škole održane interaktivne radionice na temu: "Maloljetnička pravda", "Nasilje i zanemarivanje", "Prava i obaveze djece i mladih", "Institucije i ustanove u zaštiti djece i mladih i njihova prava", "Ovisnost" i "Kultura ponašanja".
- Građani su informisani o preventivnim kampanjama koje provodi FMUP i MUP ZE-DO kantona:
 - a) "Vaša sigurnost naša obaveza",
 - b) "Upotrebe sigurnosnog pojasa i dječijih sjedalica u automobilima",
 - c) "Promocija Krimolovac pod sloganom „Usudi se“,
 - d) "Pazi kakav trag ostavljaš",
 - e) "Budi na pravoj strani izaberi život bez oružja",
 - f) "Kretanje pješaka i obaveze vozača prema pješacima",
 - g) "Smanji brzinu",
 - h) "Prevenција provala u stanove"
 - i) "Slavi odgovorno, slavi bez oružja".
- U službenim prostorijama PS Kakanj od strane komandira primljeno je ukupno 163 građanina kojom prilikom su građani imali priliku da razgovaraju o aktuelnoj problematici i pitanjima, a u cilju ostvarivanja bolje i kvalitetnije komunikacije, povjerenja i saradnje između policije i građana.
- U okviru koncepta "Dani otvorenih vrata" u 2021.godini imali smo 14 posjeta građana, udruženja, učenika i dr. kojom prilikom su posjetitelji imali priliku da pogledaju prostorije PS Kakanj, a zatim su održani sastanci i predavanja.
- Sve aktivnosti su usklađene sa naredbama i preporukama nadležnih institucija za prevenciju širenja pandemije Covid 19.

MJERE KOJE ĆE POLICIJSKA STANICA KAKANJ PODUZIMATI U NAREDNOM PERIODU U CILJU POBOLJŠANJA STANJA SIGURNOSTI

Analizirajući rezultate iz proteklog perioda, kao i kroz analizu stanja bezbjednosti, Policijska stanica Kakanj će u narednom periodu, kontinuirano i planski, provoditi poslove predviđene Zakonom o unutrašnjim poslovima ZDK, preduzimati mjere na sprečavanju izvršenja krivičnih djela i otkrivanju njihovih izvršilaca, poduzimati mjere na održavanju javnog reda i mira i uspostavljanju narušenog javnog reda i mira, te poduzimati radnje na poboljšanju sigurnosti saobraćaja, a sve u cilju zaštite života, zdravlja i imovine građana i privrednih subjekata, povećanja osjećaja sigurnosti građana, odnosno u cilju postizanja dobre bezbjednosne situacije, primjenjivati policijska ovlaštenja u skladu sa Zakonom o policijskim službenicima ZDK.

MJERE U OBLASTI KRIMINALITETA

- Postupati u skladu sa procjenom stanja bezbjednosti i u skladu sa Akcionim planom mjera i radnji Uprave policije MUP-a ZDK, kojim su planirane mjere i radnje koje će se preduzimati u slučajevima počinjenih krivičnih djela ubistva, razbojništva, teške krađe (automobila, teških krađa iz kuća i stanova, poslovnih objekata...) iznuda, ucjena, navođenja na prostituciju, nasilja u porodici, neovlaštene proizvodnje i stavljanja u promet opojnih droga, posjedovanja i omogućavanja uživanja opojnih droga, izazivanja opće opasnosti, itd.
- Nastavit će se aktivnosti mobilnih timova u cilju otkrivanja predmeta iz krivičnih djela, predmeta pogodnih za počinjenje krivičnih djela, nezakonitog posjedovanja oružja i eksplozivnih materija, droga, itd.
- Također će se nastaviti aktivnosti na realizaciji mjera iz programa prevencije maloljetničke delikvencije na području Zeničko-dobojskog kantona.
- Nastavit će se saradnja sa svim agencijama za sprovođenje zakona, kao i sa nadležnim tužilaštvima, sudovima, kazneno popravnim zavodima, Ministarstvom pravde, Kantonalnom upravom za inspekcijske poslove, Ministarstvom zdravstva, itd.
- Policijska stanica Kakanj će nastaviti kontrolu kretanja migranata na našem području te poduzimati sve potrebne mjere i radnje u cilju očuvanja povoljne bezbjedonosne situacije.

MJERE U OBLASTI JAVNOG REDA I MIRA

- Nastavit će se preduzimati mjere prema licima sklonim narušavanju javnog reda i mira, kao i pojačati aktivnosti nadzora nad licima koja se pojavljuju kao povratnici u činjenju prekršaja JRM-a.
- Nastaviti aktivnosti na obezbjeđenju svih javnih skupova na području općine Kakanj (sportskog, kulturnog, vjerskog ili nekog drugog karaktera).
- Takođe će se pojačati pozorno-patrolna aktivnost u svrhu preventivnog djelovanja, odnosno otkrivanja i sprečavanja svih djela koja bi mogla imati elemente ugrožavanja opće sigurnosti ljudi i imovine.
- Sarađivat će se sa agencijama za zaštitu ljudi i imovine u okviru zakonskih nadležnosti i ovlaštenja radi razmjene bezbjednosnih saznanja.
- Nastavit će aktivnosti na pružanju asistencija inspekcijskim organima, na kontroli rada ugostiteljskih objekata, posebno u pogledu poštivanja općinskih odluka o javnom redu i miru
- Posebna pažnja će se obratiti na kretanje maloljetnih lica u noćnim satima bez pratnje roditelja ili staratelja.
- Preduzimanje mjera u skladu sa naredbama Federalnog štaba civilne zaštite na suzbijanju pandemije virusa COVID 19 te u smislu poštivanja Zakona o javnom redu i miru ZDK.

MJERE U OBLASTI BEZBJEDNOSTI SAOBRAĆAJA

- Na osnovu broja saobraćajnih nezgoda i posljedica koje su nastupile i u skladu sa stručno-analitičkom procjenom stanja, Policijska stanica će obezbijediti intenzivniju kontrolu na svim kategorijama puteva i ostvariti potpuniju kontrolu pojedinih kategorija učesnika u saobraćaju.
- Nastavit će se rad sa radarskim sistemima,
- Zavoditi akcije u cilju poduzimanja represivnih mjera prema vozačima koji čine prekršaje koji su najčešći uzrok saobraćajnih nezgoda (brzina, tehnička neispravnost, alkohol i sl.).
- Preduzimati mjere i aktivnosti na kontroli mirujućeg saobraćaja.
- Uprava policije će posvetiti još veću pažnju kontroli i praćenju prevoza opasnih materija i poduzimati potrebne mjere u svim slučajevima kada se utvrde određeni propusti.
- Obim kontrole saobraćaja će se stalno usklađivati sa vrstom i značajem puta, stanjem bezbjednosti na pojedinim putnim dionicama, učestalošću i strukturom prekršaja, kao i vremenskim uslovima.
- Vršit će se praćenje i analiziranje efikasnosti kaznene politike i uticaja izrečenih sankcija na unapređenje bezbjednosti saobraćaja.
- Takođe će se pratiti stanje infrastrukture saobraćajnica te u skladu s tim će se vršiti kontrola i regulacija saobraćaja, a o uočenim nedostacima će se sačinjavati informacije i dostavljati nadležnim organima radi njihovog otklanjanja.
- Vršit će se provođenje zaštitne mjere oduzimanja vozila kojima se učestalo vrše prekršaji i krivična djela, a radi zaštite javne sigurnosti, kako je predviđeno članom 31. Zakona o prekršajima FBiH, članom 79. ZKP FBiH i članom 22. Zakona o policijskim službenicima ZDK, te će se tražiti od nadležnih općinskih sudova donošenje naredbi ili drugih rješenja o postupanjima sa predmetnim vozilima.

ZAKLJUČAK

Kako se može vidjeti iz prezentirane analize, sigurnosnu situaciju u 2021. godini na području općine Kakanj u poređenju sa prethodnim godinama karakteriše sljedeće:

Analizirajući naprijed navedene podatke utvrđeno je da je registrovani **broj krivičnih djela u 2021. godini manji za 16 krivičnih djela** u odnosu na 2020. godinu što procentualno predstavlja **smanjenje broja krivičnih djela za 7,04%**.

Tokom 2021. godine na području naše općine nije bilo izvršenih najtežih oblika krivičnih djela kao što su ubistva, teški oblici razbojništva, razbojničke krađe, izazivanja opće opasnosti, silovanja i drugih sličnih krivičnih djela sa najtežim posljedicama, koja bitno utječu na stanje sigurnosti i izazivaju uznemirenje javnosti.

Broj narušavanja javnog reda i mira u 2021. godini je za 648 slučajeva manji u odnosu na 2020. godinu. Velika razlika u broju slučajeva narušavanja javnog reda i mira u 2021. godini u odnosu na 2020. godinu jeste što je u 2020. godini izdato 687 prekršajnih naloga na osnovu naredbi Federalnog i Kantonalnog štaba civilne zaštite u vezi sa koronavirusom Covid 19.

Tokom 2021. godine nije bilo narušavanja javnog reda i mira u većem obimu sa teškim posljedicama.

U oblasti bezbjednosti saobraćaja stalnim prisustvom saobraćajnih patrola na važnijim raskrsnicama, putevima u blizini škola i drugim mjestima policijski službenici su preventivno djelovali na potencijalne prekršioce saobraćajnih propisa. Uz navedeno pojačane su i represivne mjere na sankcionisanju prekršaja koji su identifikovani kao najčešći uzročnici saobraćajnih nezgoda.

Broj saobraćajnih nezgoda je veći za 36 saobraćajnih nezgoda u odnosu na 2020. godinu što procentualno predstavlja povećanje broja saobraćajnih nezgoda za 15,85 %. U 2021. godini registrovana je i jedna saobraćajna nezgoda sa smrtno stradalim licem.

Policija je u svim slučajevima ugrožavanja sigurnosne situacije, u skladu sa svojim zakonskim ovlaštenjima, reagovala brzo i efikasno, angažujući potrebne policijske snage i materijalno tehnička sredstva.

Na osnovu svega navedenog, sigurnosna situacija tokom 2021. godine se može ocijeniti zadovoljavajućom.

Uz aktivnosti Vlade Zeničko-dobojskog kantona i MUP-a Zeničko-dobojskog kantona na stručnom osposobljavanju namještenika i policijskih službenika, popunjavanju nedostajućeg broja policijskih službenika i poboljšanja materijalno tehničke opremljenosti Policijske stanice Kakanj te unapređenju sistema video nadzora na gradskom području i prigradskim naseljima u narednom periodu možemo očekivati da se stanje sigurnosti na području općine Kakanj dodatno poboljša.

KOMANDIR
Samostalni inspektor
Mirza Smajić